



本著作以創用CC「姓名標示-非商業性-禁止改作」4.0國際授權條款釋出。  
詳細授權條款，請至 <http://creativecommons.org/licenses/by-nc-nd/4.0/>。  
資料來源：教育部電子報「閱讀趣聞客語」專欄 <http://epaper.edu.tw>。

閩／生活／☆☆☆★

## 學校種菜誠心適

阮踹佇庄跤，多數人的厝裡攏有菜園，愛食啥就種啥。厝邊隔壁定定會比並啥人種的菜上塲、收成上濟，所以逐家攏嘛足頂真咧顧菜園。像阮阿媽七十外矣，逐工早起手面若洗好就先去菜園巡巡看看咧，若毋是沃菜，就是掠蟲、薺草，攏毋捌聽伊咧喝忝。我實在想攏無，種菜敢有遐好要？

有一工，阮學校雄雄出現一台足怪奇的機器，一粒頭四四角角、紅記記，頭前閣有大大葩的電火；兩粒輪仔誠大粒，袂輸阮阿母共小弟洗身軀的浴桶咧。另外，下面猶閣有五個親像電風的鐵鉗輪，阮這陣學生囡仔是目睷禡金金，佇邊仔咧嗤嗤吡吡，袂輸看著電影內面的機器人咧！

落尾，阮主任講彼隻機器人號做鐵牛仔，是欲借來學校紡塗，準備成做每一班種菜的菜股。「啥物！」我有聽毋著無？欲踹學校種菜？我腦海中浮現下課愛去菜園薺草佮掠蟲的畫面，心肝頭煞搔一下。橫直嘛毋知影有啥物齣頭，先莫煩惱起來園，古早人毋是講「時到時擔當，無米才煮番薯湯。」

過無佢久才知影，這是學校欲推揀的「食農教育」，欲教阮按怎用天然無毒的方式來種作。專家講蟲是上巧的，無毒藥仔的菜伊才欲食，猶毋過蟲有一步稞，就是伊的目睷看無，干焦會當用鼻的，所以咱只要予蟲鼻袂著食物佇佢位，就會使避免佢對農作物的危害矣。巧巧蟲拄著人類猶原嘛是變無步。阮共白菜子掖落塗了後，就佇菜園的四箍輾轉種九層塔，因為九層塔的芳味會予菜蟲戇戇，揣袂著佢位有菜葉通食。

成個月了後，阮彼股白菜已經會當收成囉！青翠的菜葉油光油光，發甲茂茂茂，實在予阮足有成就感。老師予阮一人揸一袋白菜轉去，連阮阿媽都呵咾甲會觸舌，講哪會遮勢種。

農藥佮化學肥對身體健康有真大的危害，現此時遮濟文明病攏是食食無安全所引起，這擺學校種菜的經驗毋但予我了解欲按怎種健康的菜蔬，嘛予我知影善待環境的重要，實在是一兼二顧。

作者：曾菁怡

### ☆詞彙學習☆

【比並】pí-phīng：比較。

【鐵鉗】thih-phiánn：鐵片。

【禡金金】thí：張開、展開。

【嗤嗤吡吡】tshih-tshih-tshū-tshū：說話小聲怕別人聽見的樣子。

【鐵牛仔】thih-gû-á：耕耘機。用來代替牛

隻耕地的機械化農具。

【股】kóo：計算田畦的單位。

【搖】tiuh：肌肉突然而迅速地抽動。

【齣頭】tshut-thâu：把戲、花樣。

【毒】thāu：施放毒劑以殺死動物。

【食食】tsiáh-sit：飲食。